

XX Kurztlicher Beschlus.

Desgleichē theten auch die auff den Galleen Singen vñ Sprung
en/Trommeteten-liessen hofieren gar Sueszlich auff den Schal-
meyen/vñnd vil' andere Instrument / welche auff dem Wasser/
gar schön vñd lieplich lautteten/als omb nichts anders den das sie
die Veste mit einem Sturm Ritterlich eingenomen hetten auß/
der Feind hand/die sich so Mänlich vñd vnuerzagt werthen.

Also lieber Leser hast du vernommen was in den sunff Thur-
niern zu Suesz vñd zu Kosz/auff Wasser vñd Land/gehalten wor-
den/sonst was in den Lustgärtē vñ Heusern in der Statt Wien hin
vñ wider/mit allein von den Adls Personen/sonder auch Burgers
leuthen vñd gemainem Man/mit ringen/fechten vñd andern leibs
vbungen frolockh vñd sich zuegetragen/acht Ich vñnot sein hie al-
les nach lengs zuerzellen/dann es disem Buech zu oberflusz raiche-
te/jedoch hab ich souil Exempls dargestellt/das die Adlich Zu-
gent denen Ritterlichen Spilen vñd Tapferkhait nachuolgende/
sich darinen zueueben vñd zubesleissen wisse. Bitt derhalben
lieber Leser/soleh mein volbrachte Werck(so ich
auff das vleissigist zusammen getragen) in gue-
tem vñd zu danck/bis irgent weitleuffigers
hernach volgt/anzunemen.

